

# لآخر العمر

لآخر العمر

إسم الكتاب: لآخر العمر

إسم الكاتب: شيما نبيل

تصميم الغلاف: عبدالله عباس

تدقيق لغوي: فاطمة هاشم

رقم إيداع:

ترقيم دولي:



شارك سطورك مع العالم

# لآخر العمر

شيما نبييل

**The Writer Operation**

شارك سطورك مع العالم



# (المستشفى)

مكنتش قادرة أسيبه في المستشفى لحظة ...

خايفة يفارقنى من غير وداع ...

وجوده على سرير المرض واجع قلبي أوي ...

فجأة فتح عينه ، فرحت جداً وقربت منه ، مسكت إيده وطمنتته

ما هو طول العمر بيظمني

اتكلم بصوت ضعيف طالع من قلبه المسكين ..

وطلب منى أرجع البيت وأفتح درج مكتبه اللي عمرى ما فتحته

ولا أعرف فيه إيه وأجيب منه علبة قطيفة

ازاى أسيبه وأمشى دى اللحظة اللي بتعدي في بعده بعاتبها انها عدت من

عمرى

بس أصر إنى لازم أرجع البيت وأجيب العلبة

إيه اللي في العلبة مهم كدا يخليه يصر عليها ؟

مشيت وانا لحد آخر لحظة ماسكه إيده وهو بيبعدها عنى

## لآخر العمر

وطلعت من العناية المركزة وانا بدور على الممرضة

أوصيها إن كل دقيقة بل كل ثانية تخلى بالها منه.

نزلت سلام المستشفى بجري عليها وكأني طفلة صغيرة مش امرأة عجوز  
أهلكها الزمن

وركبت التاكسي وانا بتوسله بدموع عنيا انه يطير فوق السحاب لحد البيت  
ما هو انا مش هقدر انتظر زحمة الطريق سرحت في الشوارع شايفه  
ملامحه في كل الناس.

معقوله ممكن يجي اليوم اللي يختفى من وسطهم ويتنسي اسمه

معقوله ممكن تيجي اللحظة اللي تعدى عليا وهو مش في حياتي

ياترى ساعتها إيه هيكون طعم الحياة

وارجع واطمن قلبي لأ..... مش هيمشى

هو وعد انه هيفضل جنبى لأخر العمر

فجأة فقت على صوت السواق بيطلب الأجرة

الحمد لله وصلت بسرعة للشقة

# (الشقة)

فتحت باب الشقة بمفتاحي وانا عارفه اني هدخل مش هلاقيه ولا هلاقي  
حد من ولادى فيها

المكان ضلمة مليون بالسكون الغريب عليا ، فين صوت ولادى ؟  
ضحكهم ؟ فين خناقتهم ؟ فين وجوده وحنيته عليا ؟

مشيت ببطء لباب أوضتهم جايز كنت فاكراه اني ممكن أفتح ألقاهم  
أشوف كركبة حاجتهم اللي كانت ماليه حياتي بحب

بس للأسف المكان فاضي السراير مترتبة فتحت الدولاب أشم ريحة  
هدومهم بين الرفوف الفاضية

للأسف كله مشي في طريقه وبقى له حياته الخاصة ونسيوا اني كنت انا  
أول الطريق

قفلت باب الأوضه زى ما قفلوا الدنيا في عنيا ومشيت لحد باب المكتب  
وانا بتحسس كل جدار في الشقة اللي كان شاهد على أيام حياتي معاهم

وفتحت باب المكتب كنت فاكراه اني هشوفه كعادته قاعد على كرسيه  
بيكتب أو بيقراً كتاب من مكتبته

بس للأسف الكرسي فاضي والكتب مترتبة مكانها

## لأخر العمر

---

شمه ريحته في المكان حتى كرسيه لسه الدفا مالیه

عنيا لفت كل ركن في الأوضه

ووقعت عيني على صورة فرحنا ، ياااه زمن وعدى علينا ساب أثاره ومشى

بس مقدرش ياخذ حبنا اللي ابتدى من أول نظرة عيني شافته

ومرت حياتى قدامى كأنها شريط فيديو بتفرج عليه

سنين طويلة بفتكرها في لحظات

# (ذكريات طفولة)

أفتكرت أول مرة شافته عنيا كنت في أولى إعدادى كنت نائمة في هدوء في بيتنا البسيط

البيت الي كان فيه بابا وماما وأختي الكبيرة ليلى

أحلامى كانت بسيطة مفيش الي يشغل بالي ولا عقلى

وفي يوم الجمعة صحيت على صوت ماما العالي بترحب بضيوف في شقتنا فتحت عيني على الساعة الي على حيطه أوضتي

الوقت بدري أوى يا ترى مين جاي يزورنا بدري كدا؟

جريت أغسل وشى وبفضول الطفولة عايزه أعرف مين الي جه؟

بصيت لأختي ليلى الي كانت زي عندها نفس حب الفضول وواقفة ورا باب أوضة الضيوف تشوفهم وقفت جنبها جايز أقدر أعرفهم

لقيت أسرة صغيرة زينا عبارة عن أب وأم واثنين صبيان باين عليهم تراب الزمن وتعب السفر

وفي لحظة عيني حفظت كل ملامحهم ، الأب ضعيف الجسم حزين القلب والأم من كتر عياطها مختفى لون عنيتها، أما الولد الكبير كأنه مش معاهم جاي فسحة بيضحك ومبتسم والصغير شوفت الخوف في عينه مسيطر

## لآخر العمر

عليه لدرجه انه مستخبي في ظهر أمه

شافتنا ماما طلعلنا نجرى انا وأختي نهرب من لومها مسكتنا بسرعة وطلبت  
مننا ناخذ الصبيان نلعب معاهم في حوش البيت

فهمنا ساعتها انهم بيهربونا من قعدتهم علشان يفهموا منهم إيه الي  
حصل طلعت ألعب معاهم وفي عقلى الصغير أسئلة كثير مش لاقيه ليها  
أجوبة

بس أتشجعت وسألتها وكانت أسئلتي موجهه للصغير الي براءته وسكاته  
شدنى

-انتو مين وليه لبسكم مبهدل كدا؟

مردش عليا وهرب بعينه مني في الأرض ولقيت الإجابة من أخوه

-بابا السيد صاحب أبوكم من زمان وكنا ساكنين في السويس بس الزلزال

هد بيتنا وبابا ملقاش ملجأ لينا غير هنا

طمنتهم إن هما هنا أكيد في أمان معانا

(جيرانا)

كترت أسئلتى ليهم من كتر فضولى كنت عايزه أعرف عمرهم

خاصة انى إحساسى بيقولى انهم أكبر منى

وفعلا طلع إحساسى صح اسمه كمال بس فى ثالثه إعدادى فى نفس سن  
أختى ليلي ومن غير ما أسأل أخوه عن أى حاجه تخصه لقيته يجاوب  
اسمه كريم فى أولى ثانوى

خلصنا لعب بس الحقيقة مكش فى لعب أصلا ، دي كانت جلسة أسئلة  
كنت انا المذيعه فيها كنت أسأل وهما يجاوبوا وأختى ليلي مستمعه

دخلنا البيت لقيت ماما فرحانه بتقول لينا ان بقى لينا جيران وانهم  
هيسكنوا فى الشقة اللي فوق فى بيتنا

الشقة كانت فاضيه تمام من أى نوع من أنواع الحياه بس نظيفه ماما  
على طول كانت تطلع تمسحها وكأن قلبها كان حاسس ان فى يوم هيجى  
الى يسكنها

فرحت جدا انا و أختى بس فرحتى كانت بزيادة شويه مش عارفه إيه  
سببها ؟

بابا وماما خدوا حاجات كثير من شقتنا لشقتهم الجديده

جريت أسابق معاهم ودخلت أوضتى وجبت حصلى الصغيرة وطلعت  
أديها لماما فى إعتقادي ان اللى فىها يكفى يجيب عفش للشقة كلها وزيادة

بس طبعا كان رد فعلهم انهم ضحكوا على برائتى برغم التعب والحزن  
اللى مالى قلبهم إلا هو مشفتش غير ابتسامة خفيفة بين شفایفه وفى  
ساعات قليلة كانت الشقة جهزت بأساسيات المعيشة واتجمعنا على أول  
وجبة غدا فى بيتنا

بيتنا اللى كان هادى بقى فىه دوشة وحركة ، عددنا زاد والكلام بقى كتير  
رايح بينا وبينهم إلا هو سكاته شد انتباهى

غمضت عنيا علشان أحاول اسمع اللى بيدور فى عقله بس مقدرتش

السكون كان مالىه

# (شراة حب)

كبرنا مع بعض كنا بنتشارك في كل حاجه حتى الضحكة أصل دمی كان  
خفيف

ماما وبابا كانوا بيقولوا عليا دايمًا اني شقية ودمی خفيف  
كانت ليلى علطول بتذاكر معاه بحكم انهم في نفس السن  
يا بختها بتجمعها بيه ترابيزة واحدة

أما كريم أخوه كان دايمًا يذاكر في الحوش لوحده بحجة انه بيحب الهدوء  
بس السبب الحقيقي انه كان بيهرب من المذاكرة ويطلع يلعب  
أما أنا فكنت قطعة أساسية في المكان اللي موجود هو فيه أفتح كتاب  
وعيني بتذاكر في ملامحه

كنت بنتهزها فرصة ان ليلى تطلع من الأوضة لأي سبب أجري عليه بكتابي  
يفهمنى الدرس اللي انا أصلا حفظاه  
عايزه أسمع صوته بيتكلم

كنت بحس بدفا في صوته البريء واستنى لما يخلص علشان أحكيه عن  
أصحابي

حكاوى ساعات مكرره بس عايزه أفضل جنبه كنت أرغى وأرغى وهو  
يسمع وييتسم

دقايق معدودة في قربه كانت بتحلى دنيتى

وكبرنا وكبرت أيامنا سوا

ودخل هو وأختى كلية التجارة وأخوه كلية الآداب وانا كنت بجتهد عايزه  
أحصله وأروح معاه نفس الكلية

بس للأسف بابا أصر انى أدخل كلية التربية

يا بخت أختى هتشوفه علطول خايفه تكون اتعلقت بيه

# (أول فراق)

في يوم صحيت على صوت كركبة ودوشة فتحت عيني أدور على الصوت  
جى منين ؟

لقيت الصوت على السلم نطيت من على سريري على السلم  
أشوف إيه اللي بيحصل لقيت عفشهم بينزل  
معقوله الفراق ؟

ماصدقتش عيني وجريت على ماما أسألها

- هما هيمشوا ليه مين زعلهم ؟

ولقيت كريم كعادته بيجاوب على سؤالي بفرحة

- خلاص يا ستى هنمشى ونخلصكم من دوشتنا

مسكت دراع ماما بحنية وسألتها

- ليه ؟

جاوبتنى وهيا حزينة بفراقهم

- ربنا كرمهم بشقة جديدة أوسع

انا عارفه ان باباه دخل شراكة مع صاحب بابا في محل عطارة وان ربنا فتح  
عليه من وسع

بس مكنتش متخيله إن ممكن يجي اليوم اللي يرحلوا ويسيبوا لينا ذكريات  
معقوله هفتح بابا شقتنا مشفهوش نازل أو طالع

معقوله هقدر أنام منغير ما أسمع صوت عبد الحلیم حافظ اللي كان مغرم  
بأغانیه

معقوله عینی هتنحرم منه من غير وداع

# ( أول كلمة حب )

جريت أدور عليه لازم أودعه مش هينفع يمشى منغير وداع

كان واقف يراقب الناس وهما بيثيلوا عفشهم

سلمت عليه وطال السلام عيني في عينه من غير كلام حسيت ان إيدي

ملاها الحنان

فتحتها لقيت ورقة صغيرة مقفولة

نسيت أقوله كلمة وداع وجريت على أوضتى كلى لهفة أعرف الورقة

مكتوب فيها إيه ؟

فتحتها لقيت كلمة واحدة وبس ( بحبك )

قلبي دق بسرعة كأنه صاروخ طالع القمر وجسمى اترعش

رميت نفسي على السرير وأنا بضم الورقة لقلبي

كنت خايفه يكون بيحب أختي

بس كنت بدعى في كل صلاة ان قلبه يكون بيحسنى

بس طلع انه بيحبنى

وافتكرت انه فارق جيرتنا نزلت دموعى مقدرتش أحبسها جوايا

البيت فضى علينا بس قلبى اتملا بحبه

وسرحت في كلام قالته أمه قبل ما تمشى لماما معناها إيه ؟

- اوعى تنسى اللى قولتلك عليه لازم تردى عليا

يا ترى تقصد إيه ؟

( أول فرح يضمنا )

ماما تانى يوم طلبت منى انا وليلى انا بعد الغدا نفضل قاعدين على  
السفره لأن بابا عايزنا في موضوع مهم

قلبي حاسس إنه خاص بيهم مقدرتش أبلع لقمة واحدة

ياترى في إيه ؟

بابا لاحظ ارتباكى وبعد الغدا سكت للحظة

كانت اللحظة دى كأنها مرت عليا سنة

وبعدين اتكلم وقال

- عمكم السيد قبل ما يمشى من هنا طلب انه يناسبنا ياخذ واحده منكم  
لواحد من ولاده

كان نفسي أصرخ بأعلى صوت وأقوله أرجوك يا بابا انا لكمال بس الكلام  
مطلعش من جوايا

ولقيت ماما بتضحك للىلى وتقولها

- قولى لبابا متكسفيش

خفت تكون لىلى هتقول نفس اللى بحس فيه

---

لآخر العمر

بس ماما لحقتها وكملت كلامها

- قوليله انك موافقه على كريم

ولقيت نفسي من غير وعى بنط من الفرحة

- كريم ؟

ابتسم بابا لأختى وقالها

- خلاص يبقى على بركة الله ألف مبروك يا ليلي

وفعلا اتخطبت ليلي لكريم بس الغريب انى عمرى ما لاحظت اهتمامها

بيه بس ليلي طول عمرها بتفكر بعقلها وبس حسبتها صح

شافت إن كريم مناسب ليها

واتفق بابا مع عم السيد على كل تفاصيل الفرح واتخطبت ليلي

وبدأنا نجهز لشقتها

كنت كل ما أشوفه نتبادل نظرات الحب الهاديه لمسات الإيد الدافيه

وجه يوم الفرح

أول فرح يضمنا فاكراه كويس لون فستاني كان بمبي مطرز بورد

كنت جميلة جدا بشهادة كل اللي شافنى

بس هو اللي يهمنى أسمع رأييه

جه من بعيد ناحيتى وكأنه جى يضمنى همس فى ودنى وقالى

- انتى أجمل واحدة شافتها عنيا

سمعتها ولقيت نفسي برقص مع أختى وانا فرحانه جدا كأنى برقص معاه  
على أرض من الثلج ورزاز مطر نازل من السما علينا وموسيقى هاديه  
حوالينا

# ( جالی عریس )

خرجتني من إحساسي الجميل ده ماما وهيا بتمسك إيدي علشان أروح  
معاها أسلم على المعازيم

سلمت عليهم وانا حقيقة مش شايفه حد غيره ملامحه انطبعت في  
وشوشهم

وخلص الفرح ورجعت البيت منغير ليلي فرحانه جدا ليها وليا

وبعد أسبوع من الفرح رجعت من الكلية آخر سنة ليا لقيت ماما في  
الصالة سلمت عليها وبوستها وجيت ادخل اوضتي

لقيتها بتنادى عليا

- يا ناديه كلمي بابا

رحت لبابا في أوضته وقعدت جنبه قالى

- يا بنتى جالك عريس شافك في فرح أختك

عيني لمعت يكون هو معقوله بس كملت ماما الى بابا كان عايز يقوله

- مبروك حبيبتي جالك عريس من الفرح شاب غنى ووسيم ومعاه عربيته

عرفت ساعتها انه مش هو العريس وقلبي انقبض

من غير ما اسأل بابا هو مين ولا إيه صفاته رفضت بحجة انى لسه فى الكلية  
ولسه بدرى عليا ماما زعقت فىا وقالتى

- ده عريس ما يترفضش جهزى نفسك الناس جايه بليل

وفعلا وتحت إصرار ماما كان العريس وأهله فى بيتنا صحيح هو وسيم  
وشيك ، بس حبيبي كان أحلى فى عنيا

قعدت معاهم وانا سرحانه فى كمال وهما فاكرين انى مكسوفه

بابا وماما كانوا فرحانين بيه جدا وهو كان مبسوط بيا أوي

وبعد ما مشيوا ، ومع زرغوظة ماما نزلت دموعى

جريت على اوضتى استخبى فى مخدق ولقيت بابا داخل ورايا بيسألنى

- انتى موافقه عليه ؟

بصتله بتوسل انه يرفضه طبطب عليا وقالى

- مين فارس أحلامك ؟ ومتقوليش مفيش لأن أمك حاسه بيكى ، كمال صح ؟

( نصیبی )

معقوله أمى حاسه بيا كده ولا انا اللى عنيا فضحانى دموعى كانت إجابة  
لبابا

عرفت بعدها ان بابا راح سأل عم السيد وقاله

- لو كمال ابنك مشغول بناديه بنتى يبقى تحبيه وتيجى نتفق ولو هيا  
مش في باله يبقى لازم تعرفنى علشان حالها ما يقفش

طبعا عم السيد رحب جدا وفجأه لقيتهم في بيتنا مع أختى وجوزها  
كانت أجمل مفاجأة في حياتى

فاكره كان لابس إيه قميص أبيض مخطط بخطوط كحلى رفيعه وبنطلون  
كحلى كان شكله جميل جدا

معقوله أخيرا هيكون نصيبى والحب هيكمل ويظهر في النور

واتفقوا على كل حاجه هما يتكلموا وانا وكمال في عالم تانى

لأول مرة أحس ان عنيا في عينه قدام الكل مش بدارى مشاعرى

اتقرت الفاتحة والزراغيط هزت البيت كله زى ما هزت قلبى معاها

ساعتها وعدنى انه هيفضل جنبى لآخر العمر وانا صدقته

وكانت فترة الخطوبة من أجمل أيام حياتي

كل قطعة في شقتنا كانت مشاركة ما بين ذوقه و ذوقي كنا بنشترها واحنا  
بنحلم بيها بحلم جديد

مرت الأيام بسرعة وكأنها كانت مستعجله زينا

وجه يوم الفرحة ، فستانى الأبيض بدلته السمرا

كل تفصيلة في الفرحة فكراها كانها لسه امبارح رقصنا ضحكنا حتى صورتنا  
دى

وكانت الفرحة فرحتين فرحى وأول حمل لأختى

# ( بيت وجمعنا )

دخلنا البيت واحنا بنواعد بعض بالمشاركة في كل حاجة ... الأكل ، المواعين ،  
التنظيف ، كل حاجة

ربنا كرمنى بعد تخرجى واشتغلت مدرسة وهو كان محاسب في شركة  
كنت برجع قبله بساعة أجهز الغدا وهو كان يجي يغير هدومه بسرعه  
ويدخل يساعدنى

نتغدا ونغسل المواعين مع بعض وبعد صلاة العصر كنا نقعد في البلكونه  
مع كوبيتين شاي بالنعاع

نحكى عن يومنا كان عامل ازاي وبعدها كنا بنحافظ على خصوصيتنا  
هو كان يدخل مكتبه يقفل بابيه عليه وانا كنت أشغل وقتى لاما بالكورشييه  
أو بالاتصال بأختى وأمى على التليفون الأرضى

حياتنا كانت سعيدة وهادية كتاب مفتوح لبعضنا

وفي يوم كنت في الشغل حسيت بدوخة والدنيا بتلف بيا

رحت على بيت ماما واللى كنت حساه طلع صح أول رباط بينا

كانت فرحته بيا لو اتوزعت على العالم تفيض

فاكره كويس انه شالنى من على الأرض ولف بيا لولا ان ماما وقفته خوف  
عليا

وبعد ما هدى من فرحته كان أول قرار فردى منه انى أسيب الشغل

علشان أكون فاضيه للمولود ورعايته

قرار صعب

وهل هقدر على القرار ده ولا هندم عليه ؟

# (أسرتي كبرت)

بالرغم من فرحتى بحملى إلا انى كنت زعلانه انى سبت الشغل للأبد  
بس كنت واثقه فيه حاسه انه مش هيجى اليوم الى أندم عليه أو ألومه  
على قراره

ومرت شهور الحمل كانت صعبة عليا ومتعبه بس هو كان دايمًا جنبى  
يطمنى وربنا رزقنا بأول مولود لينا  
( احمد )

كانت فرحتنا به كبيرة ملامحه كلها منه كأنه هو بس على صغير  
يوم سبوعه كان يوم مختلف كانت حفلة جميلة فيها كل أصحابنا وأحبابنا  
كان علطول يشيله عنى ويلعب معاه ولما كان يسهر بليل كان يسبنى أنام  
ويحس بتعبى من غير ما أتكلم ويسهر هو معاه على الرغم من انه عنده  
شغل الصبح بدرى

وعلطول جه وراه ابننا الثانى

( عمر )

وأسرتنا كبرت

## لآخر العمر

وبيتنا اتملى بملايكة صغيرة بضحكهم وبكاهم

وانشغلت بتربيتهم وشقاوتهم طول اليوم

وهو كمان انشغل عنا كثير الصبح في الشركة وبليل مع أخوه في محل  
العطارة بعد وفاة أبوه

وبالرغم من انشغالنا عن بعضنا ومرور السنين

إلا اننا كنا حريصين كل الحرص على ان يوم الجمعة يكون لينا

كنت أصحى بدرى أجهز فطارهم واصحهم يفطروا ونروق الشقة كلنا  
وأشغل القرآن الكريم في الراديو والبخور بريحته الجميلة يملى المكان

وساعة صلاة الجمعة كان كمال ياخذ احمد وعمر يصلوا في الجامع

وانا كنت أجهز الغدا

وبعد الغدا ألبس وألبس الولاد وكنا ناخذهم يلعبوا في المنتزه

هما يلعبوا بالكورة ويجروا ورا بعض

وانا هو نقعد نتكلم عن ذكريتنا ونفتكر فيها

كان يفرق جامد جدا معانا اليوم ده

كان بيهون علينا تعب الأسبوع كله

# (الصغير كبير)

مرت السنين بينا والصغير كبر

كبروا ولادنا ومشاكلهم كترت معاهم مبقوش الملايكه الصغيرين ولا نساييم  
الطيف في البيت

بقوا رجاله ليهم صوت يهز قلبي لما بسمعه من حبي فيهم

ومعدش يوم الجمعة اليوم اللى يجمعنا

واحمد وعمر بقي لكل واحد فيهم حياة مع أصحابهم

و كمال بقي مشغول جدا بسلاسل محلات العطاره بتاعتهم

ومعدش فيه المنتزه اللى بيفرحوا بيها ومعدش فيه الكوره اللى بتجمعهم

وتاهت الحياة بينا ، وأصبح دوام الحال من المحال

والكلام بينى وبين كمال بقي مفتاحه الأولاد من مشاكلهم لحياتهم للتفكير  
في مستقبلهم

ونسينا نفسنا في زحام الحياة ، والسنين سابت أثارها علينا

وفي يوم وانا بنصف البيت لوحدى ما انا بقيت لوحدى معدش في حد  
بيساعدنى كله بيطلب وبس

حتى هدومهم بتترمي في كل حته وانا الى ادور فيهم إيه نضيف يتعلق  
على الشماعه وإيه محتاج يتغسل

لحد لما وصلت لبدله كمال ولأني كالعادة بفتش الجيوب قبل ما أغسلها

فتشت جيب البدله ، بس إيدي ما طلعتش فاضيه

طلع فيها الى عمري ما توقعته ولا كنت أصدق اني ممكن أشوفه في يوم

# (جواب حب)

لقيت جواب حب ، أيوه جواب حب كله اشتياق وحرمان مليون كلام كثير  
مش قادره أنسى كلمة منهم

معقوله بعد سنين الحب دى كلها يخونى طب ليه ؟ قصرت معاه في إيه ؟  
ومين هيا اللى قدرت تخطف قلبه منى ؟ وامتى ؟ وكنت فين انا ساعتها ؟  
أسئله كثير عقلي وقلبي مقدروش يتحملوها

قعدت على السرير ماسكه الجواب أفكر أعمل إيه ؟ أواجهه إزاي ؟ ولو  
واجهته وإعترف هعمل إيه ؟ مش هقدر أسيبه  
ولو أنكر هقدر أصدقه ؟

ولقيت نفسي غصب عنى برجع الجواب مكانه لجيب البدله وبعلقها على  
الشماعه وانا قلبي بيتقطع

ولبست هدومي ومشيت وانا سرحانه في الشوارع مجروح قلبي وعيني  
بتدمع

لحد لما وصلت البيت عند ماما وأول ما فتحت الباب اترميت في حضنها  
وبكيت

أول مرة أشتكى منه لحد

---

لآخر العمر  
علطول كنت أسمع شكاوى ليلى من كريم وأصبرها كان يخونها وكنت  
أقولها استحملي وعدي

بس مكنتش أعرف ان ممكن يجي اليوم الى أكون مكانها ومعرفش أعمل  
بنصيحة منهم

سهل انك تنصح حد لكن صعب انك تطبق النصيحة عليك لو اتحطيت في  
نفس الموقف

سمعتنى ماما لأول مرة وانا بحكى لها عن الجواب والجرح الى مالى قلبى  
سابتنى احكى لحد لما خلصت طبطبت عليا وبدأت تتكلم

- بصي حبيبتى الراجل له قلب واحد بيحب به وعين بتعجب بكل الى  
تشوفه

رديت عليها بحيرة

- يعنى إيه؟

- يعنى يا بنتى طالما بيعاملك كويس يبقى انتى بس الى ساكنه قلبه مفيش  
غيرك أما عينه جايز تكون أعجبت بشكل واحد تانيه ، الست الجدعه الى  
تراقب جوزها من بعيد لبعيد لو الى معجب بيها واحده فاضيه معهاش  
راجل يبقى تخافى ولازم تتصرفى بسرعة لأنها بتبقي داخله على جواز أما لو

---

لآخر العمر  
كانت واحدة متجوزة يبقى تهدى وتصبرى لأن الست المتجوزة اللى بتخون  
جوزها زى السيجاره كل واحد ينفخ فيها شويه وأخرتها تنداس فهمتى يا  
بنتى؟

هزيت راسي وسبتها ومشيت وأنا نفسي أعرف هيا مين ؟ وياترى فاضية  
ولا متجوزة ؟

تكون أحلام بنت عمى هيا أجمل منى ومطلقة

ولا ثريا بنت خاله هيا بتهرج معاه كتير ولسه صغيرة

ولا تكون منى جارتنا هو بيحب يقف فى البلكونه بس هيا متجوزه

ياترى مين فيهم ؟

ودخلت البيت وقعدت أفكر بس مقدرتش أتحمل أكثر من كده أغمى  
عليا

# (السؤال)

دخل ابني لقاني مرميه على الأرض جرى على أخوه واتصلوا بأبوهم ورحت  
المستشفى

فتحت عيني لقيته قدامى واقف

ورفض ان حد من أولادى يقعد بيا وصمم هو اللى يفضل معايا

مش قادره أبص في عينه

خليت وشي الناحية الثانية ودموعى على خدى واستخبيت في المخده

لقيته قام من على الكرسي وجه جنبي وطبطب عليا

- ليه كل الدموع دى؟ مين من الولاد زعلك؟

مقدرتش أرد عليه

مسح بإيده دموعى

- اوعى أكون أنا السبب مش هسامح نفسي أبدا

إزاي قادر يمثل عليا كده ؟

وغصب عنى اتكلمت وسألته

## لآخر العمر

- إزاي هان عليك تجرحنى ؟ إزاي قلبك خاني ؟ ومين هيا ؟ وبقالك أد إيه تعرفها ؟

- خيانه إيه ؟ أنا مش فاهم حاجه

حكيتله عن الجواب

ادانى ظهره وسكت للحظة

ياترى بيفكر إزاي يواجهنى ولا بيفكر في كذبه ؟

وبعدين قرب منى وقالى بصوت واطى

- إزاي قدرتى تشكى فيا بسهولة كده وبعد الحب اللى بينا ده وسنين العشره ؟

رديت عليه بشيء من العصبية

- طب والجواب أسميه إيه ؟ تسليه مثلا !

رد عليا بنفس الهدوء

- أكيد أنا زي أى راجل بشوف ستات كتير بس عمرى ما فكرت في واحده منهم عارفه ليه ؟

رفعت راسي من على المخده وقعدت

- ليه ؟

- علشان قلبي مليان بحبك وعيني بعاقبها لو ضعفت وبصت على واحد

غيرك ودايما في صلاتي بدعي ربنا يبعدنا عن الحرام )

# (الجواب)

- طب والجواب ؟

- إزاي مقدر تيش تفرقي بين خطى وخط أحمد ابنك ؟ الجواب ده منه لبنت بيحبها خدته منه وخبيته علشان ما تزعليش منه وأقنعتة أنه لسه في الكلية وهو جى دلوقتي أسئليه بنفسك

معقوله ظلمته ولا أنا اللي استكترت وفاءه ليه ؟ وصدقت فعلا انه ممكن يخونى

وفي وسط كل تساؤلاتي السرية دى

دخلوا ولادى ولقيته بينادى على أحمد

سبقتة أنا بالكلام وكأني عايزه أتأكد بنفسى

- ليه يا أحمد خبيت عنى انك بتحب ؟

- هو بابا حكاك على الجواب ؟

أول ما سمعته ردت الروح فيا وضحكت

- حبيبي الحب مش عيب خلص انت بس كليتك وأنا أجوزها لك

حضىنى أحمد

---

لآخر العمر

- بجد يا ماما ؟

- بجد يا أحمد يلا بقي يا ستى أديكى عرفتى قيمتك عندنا يلا نخرج بقي  
من المستشفى؟

قمت من على السرير وكان مفيش حاجه حصلت في قمة سعادتي  
وصلنى كمال البيت ونزل على أنه رايح محل العطاره وراجع علطول  
بس أقل من نص ساعة رجع ومعاه أجمل بوكيه ورد وعلبة صغيرة  
- إيه ده؟

قالى وهو ماسك إيدى

- دى هدية منى لواحد صراحه بحبها ومش قادر أبعد عنها ولا ممكن  
أخونها أبدا

ابتسمت وفتحت العلبة لقيتها سلسله مكتوب عليها ( بحبك )

اترمت في حضنه

- سامحنى يا أجمل زوج وحبيب

ورجعنا تانى لأيامنا الحلوة

كنت بتابع فيها حب ابنى وأضحك وافتكرك حبي انا

# (الاختيار)

ومرت الأيام والشهور وانا بتابع في صمت حب ابني لنهى زميلته في الكلية  
نهى بنت ناس أغنيا أكثر منا وشكلها بيقول ان تربيتها غيرنا خالص دلوعه  
أوى

كنت خايفه متعرفش تتأقلم مع احمد لأن احمد شخصيته جادة نوعا ما

حاولت من بعيد لبعيد أنصح به بس كنت بلاقيه مغرم بيها أوى

اقول لنفسي جايز يكون اللى بينهم حب حقيقى ويكون ارتباطهم ناجح

فأسكت وأسيبه يكمل معاها وادعيه

وخلص احمد كليته ولقيته جاى فرحان عايز يخطبها فرحت به جدا

- انت واثق يا ابني انها مناسبه ليك وهتنفع تكون زوجة ؟

رد عليا بكل ثقة

- هيا دى شريكة حياتي وبحبها وعايز انقدم لها

طمنته اني هتكلم مع أبوه واللى فيه الخير ربنا يعمله

واتكلمت فعلا مع كمال واللى كان مرحب جدا وفعلا احمد اتفق معاها

على ميعاد وكله لهفة

بس الغريب ان لقيته بيحفظنا ازاي نتكلم مع أهلها

كلامه خلاني اقلق بس قلت لازم اروح واشوف واحكم بنفسى عليها وعليهم  
قبل ما أخذ قرار

وبعد أسبوع كان ميعادنا معاهم أول مرة أشوف احمد بيختارلى لىسي  
ولبس أبوه ورفض إن أخوه يجي معانا

وصمم انه يروح يشتري بوكيه ورد غالى وتورته كبيره ولازم من مكان  
معروف جدا علشان يكون اسم المكان على الشنطة

براقبه وقلبي حاسس ان هيحصل حاجة نصحته يكون على طبيعته معاهما  
بس طبعا مقتنعش بكلامى

جايز فرحته بيها عاميه عينه

بس ياترى هيا تستاهل ده؟

# (بيت العروسة)

واحنأ فف العربفة فف طرفقنا لفف العروسفة طلبت منه فسفب أبوه ففكلم

بس كان رده فرفب علفا

- بابا لو سمحت أف طلبات فطلبوها لازم توافق

قطعت كلامه بغضب

- لا فا احمء الزفارة دى فعارف بس مش للاتفاق

أول لما وصلنا لشقتها فتحت مامتها الباب استقبالها لفنا بارد جدا شقتهم

كبفرة وكل حاجة ففها متكلفة جدا بس مفهاش روح

كانى داخله متحف بس متحف شمع

دخلنا وقعدنا وأقل من دقفقة دخل باباها لابس بدله شفك بس حسفت

كانه مجبر علفها كل شوفه فمسك الجرافته وفعدها عن رقبتة

وبدا الحوار بفنا والفعارف ، كمال ففكلم وانا أسكت لحد لما فخلص وبعدفن

اتفكلم والعكس لكن هما الأم بففكلم والأب ففصدق بس على كلامها

كلام الأم واضح جدا ان هفا الأساس فف الففب وان الأب كوفوذه مجرد

فلوس بس

أمها كان كل كلامها عن اشتراكهم في النوادي وعن ماركات اللبس التي بنتها  
بتلبسها وعن فسحهم في الصيف كل سنة في مكان ونوع الفنادق التي  
بينزلوا فيها

حسيت بخنقة ومقدرتش اكمل القعدة اتحججت ان جالي صداع ومش  
قادره أقعد وطلبت اننا نمشي

سكتنا انا وكمال طول الطريق وانا شايفه احمد فرحان وعمال يسألنا -  
رأيكم إيه ؟ شفتم هيا أد إيه جميلة وشيك

هو يتكلم وانا أهز راسي وبس

لحد لما وصلنا بيتنا

# (أساس الاختيار)

أول لما وصلت البيت طلبت من احمد يجي أوضتى اتكلم معاه كمال  
بثقتة فيا عرف انا هعمل ايه

أصل الكلام اللى بينى وبين كمال مش صوت يتسمع دى نظرات تتفهم  
حب وعشرة وتفاهم خلت كل واحد فينا عارف التانى بي فكر في ايه وهيقول  
إيه

دخل احمد الأوضه وطلبت منه يقعد قدامى علشان تكون عيني في عينه  
ويسمعنى للأخر

- بتحبها ؟

- جدا

- ليه ؟

سكت وكأنه بي فكر في الإجابة اللى تبسطنى انا مش هو

وفتح ايده وبدأ يعد عليها

- شيك ، جميلة ، بنت ناس

بصيت في عينه وقتله

## لآخر العمر

- كل البنات بنات ناس وكلهم شيك لو اهتم الراجل بيها ، والجمال مش شكل بس ياابنى ممكن روح ، نظرة ، عين بتلمع لما تشوفك، صوت يدفا لما يسمع صوتك )

- ما هو يا ماما ...

حطيت ايدي على شفايفه ليسكت ويسمعنى وشفت في عينه انه عايز يسمعنى

- تفتكر يا احمد إيه الصفات المناسبة لشريك الحياة راجل أو ست ؟  
سكت وقعد يفكر

- لو ست تكون شيك وحلوة ولو راجل يكون راجل وبس

- لا يا حبيبي الصفات مشتركة بينهم عارف ليه ؟ لأنهم عارفين انهم أساس أسرة من مودة وألفة ورحمة ، مودة يعنى حب بينهم حب حقيقى طب لو مش موجود يبقى ألفة يعنى عشرة طيبة لأن الجواز رحلة لو رفيقك فيها بينك وبينه ألفة هتحس بمتعة الرحلة حتى لو بسيطة طب لو مفيش ألفة يبقى الرحمة يعنى ترحموا بعض وقت الخلاف ووقت الضعف ، تفتكر في بينك وبين نهى مودة أو ألفة أو ممكن يكون في رحمة ؟

سكت وبدأ يقتنع بكلامى وسألنى

---

لآخر العمر  
- طب وأعرف ازاي ان الصفات دي مشتركة بينا ولا لا ؟

خدت نفس عميق

- على الرغم من الإجابة واضحة وضوح الشمس بس هسيبك تكتشفها بنفسك ، أعملها اختبار ، اتصل بيها وقولها انك مصمم انك تبدأ حياتك معاها لوحدهك بدون مساعدة من أبوك يعني شقة ايجار وعفش على أدك وشوف رد فعلها هيكون إيه ؟

قام يجرى من قدامى يتصل بيها وكأنه عايز يثبتلى انه صح

وفعلا اتصل بيها وسألها انا حقيقة عمري ما اتصنت على مكاملة لحد فيهم بس من تعبيرات وشه بعد ما طلع من أوضته عرفت انه اكتشف انها مش هيا دي شريكة الحياة المناسبة ليه

احترمت انه لازم ياخذ وقته في لم جرحه من بعدها

بس الحقيقة معداش عليه كثير لأنها اتخطبت بسرعة لغيره أغنى منه

وفي يوم طلب منى انى اختارله شريكة الحياة المناسبة وعدته انى أساعده

والقرار له

# (ولادی اتجوزوا)

وبعد كام شهر من قفل موضوع نهى رجع احمد زى الأول وأحسن ونزل  
هو وعمر في أحسن شركة يشتغلوا

كنت فرحانه أوى بزرى وهو بيكبر قدامى وكمال فرحان بسنده في الدنيا  
دايما كان يقول ( احمد وعمر دول عكازى في الدنيا )

وربنا وفقنا واختارت له واحدة أصيلة وجميلة ولحظ عمر الحلو أو جاز  
دعوتى ليهم أختها عجبته وبقوا بنتين لولدين

صحيح الاثنين غير بعض احمد جاد جدا وسهى خطيبته رقيقة خالص على  
عكس عمر دمه خفيف وبيحب الهزار وساره خطيبته جد شويه

وخطبوا الاثنين البنيتين وكانت فترة خطوبتهم ، شد وجذب ضحك وزعل  
خصام وهجر

سبتهم يعيشوها زى ما هيا بحلوها ومرها

لأن فترة الخطوبة دى أكثر فترة بتتحفر في القلب قبل العقل

جهزوا شققهم على ذوقهم ما ادخلتش لانا ولا كمال في أي حاجة دى  
مملكتم

## لأخر العمر

وجه أجمل يوم في حياتي يوم فرحهم الاثنين مع بعض في ليلة واحدة أخيرا خلصت رسالتي معاهم وصلتهم لبر الأمان وربنا استجاب ليا واصلح حالهم

وجه دور كمال ينصح ولاده يوم فرحهم

عيني دمعت أول لما شفتهم ببدل الفرخ مسح دموعي كمال وطلب مني أسيبه يتكلم معاهم

- أخيرا ربنا ادانى العمر وشفتكم ببدل الفرخ ، لازم تعرفوا انكم داخلين على تكوين أسرة جديدة انت فيها رب الأسرة الراعى ومراتك وولادك هما الرعية اللى في رقبتك هتتحاسب عليهم ، كون لمراتك مش زوج يأمر ويتعصب خليك ليها سندها اللى تتسند عليه من هموم الدنيا ، أب حنين يضمها بقلبه ، صاحب يتحمل شقاوتها ، ابن يحسها انه مسؤول منها ، حبيب يحبها وما يجرحش ، اعرف ان مراتك سابت بيت أبوها وهي واثقه فيك خليك راجل أد الثقة ، مهما حصل بينكم في يوم من زعل او عى تسبها تنام وهي بتعيط الست كائن رقيق بتيجى بكلمة ولمسة إيد فيها حنية ، واوعى تنسى ان الجواز مودة وألفة ورحمة

احمد وعمر حضنوا أبوهم ووعدوه بكل كلمة سمعوها

وفي الفرخ كنت واقفه انا وكمال وهو حاطط إيده على كتفي يطبطب عليا ويبوس في راسي فرحان ان رسالتنا كملت

---

لأخر العمر  
ومرت سنة كان وجودهم مستمر معنا كل واحد يوم هو ومراته ويوم  
الجمعة كلهم يتجمعوا معنا

أسرتي كبرت وبقي عندي الولد والبنت

كنا بنشاركهم فرحتهم ونساعدهم في حل مشاكلهم

وفجأة حصل اللي عمرى ما تخيلته

# (الفراق)

خبط الباب فتحت لقيت احمد وعمر لوحدهم حضنتهم ودخلوا

بس قلبي حاسس ان في حاجه وان زيارتهم دى مش طبيعية

صحيت كمال من النوم وقعد يتكلم معاهم وانا ساكنه قلبي مقبوض

- ساكنه ليه يا ناديه ؟

رديت عليه وعيني على ولادى

- خير يا احمد خير يا عمر ؟

- مش قلتك يا احمد ماما طول عمرها بتحس بينا اتفضل يلا اتكلم

واحكيها

- ماما احنا هنسافر

كمال ضحك بصوت على

- طب إيه المشكله ؟ انتوا فاكرين انكم لما تسافروا يومين تتفسحوا هنزعل

! لا ياسيدى انت وهو يلا مع السلامة

بصيت لاحمد لانى عارفه انه مبيعرفش يجمل كلامه

- احمد في إيه ؟ هتسافروا فين ؟

احمد قام من على كرسيه ووقف وظهره لنا يهرب بعينه منى

- جالنا فرصة سفر لأمريكا تبع حمايا وبصراحة فرصة عمرها ما تتعوض

ساعتها حسيت ان جناحى بيطير لوحده فى السما وانا على الأرض

طب ليه الفراق ؟

اتكلمت وصوتى بيطلع بصعوبة من قلبي المكسور

- كان نفسي أشيل أحفادى ، كان نفسي أربيهم وأعلمهم ، انتوا ليه استكتروا

عليا ان بيتى يتملى بحسكم ؟

ودخلت الأوضه وسبتهم و دخل كمال ورايا اترميت فى حضنه

- كمال هيفضى البيت علينا ارفض ارجوك ارفض واقنعهم

- سهل يا ناديه انى أرفض بس تفتكرى هيكونوا سعدا وحبهم لينا هيزيد

؟ دى سنة الحياة يا ناديه ، ادعيلهم ربنا يحفظنم وخليهم يسافروا يشقوا

طريقهم ولو فى نصيب لينا للقا هنشوفهم تانى

طلعتلهم وهما فى قلق ياترى هقول إيه بس صراحة برغم حزنى اقتنعت

بكلام كمال حضنتهم ودعيتلهم

وفضي علينا البيت انا وكمال ومرت أيام وشهور نستنى بلهفة مكاملة منهم  
أو رسالة ترد لنا الروح  
نشوف أحفادنا على شاشات الموبايل من بعيد لبعيد كان نفسي أضمهم

# (النهاية)

كمال صحته ضعفت ومبقاش يقدر ينزل يشتغل  
قعدتنا في البيت مع بعض بقت هيا دي التسلية الوحيدة لينا  
نحكى ونعيد ونزيد في نفس الكلام  
نضحك على أيام زمان نفس النكتة ونفس الضحكة  
الزمن خد من أيامنا وعلم علينا  
فكرت اننا نطلع من الشقة نخرج نقعد في أي مكان  
اتعكرنا على بعض في إيد والإيد التانيه عكاز لكل واحد فينا  
قعدنا بس ملقناش اللى نقوله خلص الكلام سكون وهدوء في حياتنا  
ورجعنا البيت وأول لما دخل كمال حط إيده على قلبه  
ووقع في الأرض سندی وضهرى اتحنى  
- مالك حبيبي ؟  
- الحقينى  
وأغمى عليه

---

لآخر العمر  
مكنتش عارفه أتصرف إزاي لوحدي

فين ولادي دلوقتي يلحقوا أبوهم

جريت على جيرانا وأنا بعيط

طلبوا عربية إسعاف ورحنا المستشفى دخل العناية المركزة

إيده ماسكه إيدي

فتح عينه وطلب مني

أرجع البيت أفتح درج مكتبه وأجيب عليه قطيفه

وبالفعل خدتها ورجعته

- افتتاحها

فتحتها لقيته خاتم

- كنت شاربيه علشان أقدمه ليكي بكره هدية عيد جوازنا بس يظهر خلاص

رحلتي في الدنيا خلصت

اترميت في حضنه

- لا ما تقولش كده انت وعدتني انك تفضل معايا لأخر العمر

- سامحيني كان نفسي أفضل جنبك بس قضاء الله

وغمض كمال عينه

وكانت لحظات بس

بين موته وموت ناديه على صدره

والوعد فعلا اتنفذ

كانوا مع بعض لأخر العمر

وانتطوت صفحة ( ناديه وكمال )

عشرة مليانه بالمودة والألفة والرحمة

\*\*\*\*\*

(الأهم من الحياة ..... شريك الحياة)

# الفهرس

## لآخر العمر

٥	المستشفى
٨	الشقة
١١	ذكريات طفولة
١٤	جيرانا
١٧	شرارة حب
٢٠	اول فراق
٢٣	اول كلمه حب
٢٦	اول فرح يضمننا
٣٠	جالي عريس
٣٣	نصيبي
٣٦	بيت وجمعنا
٤٠	اسرتي كبرت
٤٣	الصغير كبر
٤٦	جواب حب
٥٠	السؤال
٥٤	الجواب
٥٧	الأختيار
٦٠	بيت العروسة
٦٣	اساس الاختيار
٦٧	ولادي اتجوزوا
٧١	الفراق
٧٥	النهاية
٧٨	الفهرس



كم لديك من السطور الجميلة التي اخذت  
منك الكثير من الجهد والاعتناء  
لكي تكون افضل ما يمكن  
لكي تعبر بها عن شعور داخلي  
لم تستطع ان تشاركه مع احد غيرك  
مهما كان انت سطورك  
قصص .. روايات .. اشعار .. مقالات  
باللغة  
العربية او الإنجليزية او الفرنسية



تواصل معنا  
لتشارك سطورك مع العالم

01122380443